

NO. SOALAN: 9

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : LISAN**

**DARIPADA : DATIN MASTURA BINTI MOHD YAZID  
[KUALA KANGSAR]**

**TARIKH : 20.11.2017 (ISNIN)**

**Datin Mastura Binti Mohd Yazid [Kuala Kangsar] minta MENTERI PERDAGANGAN DALAM NEGERI, KOPERASI DAN KEPENGGUNAAN menyatakan apakah usaha-usaha Kementerian untuk membantu koperasi-koperasi di Malaysia mencipta peluang pekerjaan bagi rakyat. Apakah koperasi-koperasi yang paling berdaya maju dari semua aspek tahun 2016.**

**JAWAPAN:**

**Tuan Yang Di-Pertua,**

Kementerian melalui Suruhanjaya Koperasi Malaysia (SKM) sentiasa berusaha untuk membantu koperasi-koperasi di negara ini mencipta peluang-peluang pekerjaan bagi rakyat. Sehubungan ini, Pelan Pembangunan Sektor Pemborongan dan Peruncitan Koperasi 2016-2020 dan Pelan Pembangunan Sektor Pertanian dan Industri Asas Tani 2016-2020 telah mengambil kira penyediaan peluang pekerjaan bagi rakyat di negara ini. Bagi tujuan ini, SKM menyediakan:

- i) Kemudahan pembiayaan Tabung Modal Pusingan Jabatan Pembangunan Koperasi (TMP-JPK) dan Bantuan Pembangunan kepada koperasi untuk menjalankan perniagaan;
- ii) Program pembangunan koperasi melalui pembangunan modal insan (*mentoring and coaching*) melibatkan perkongsian pengetahuan, pengalaman, kepakaran kepada koperasi;
- iii) Kemudahan Bantuan Pembangunan kepada koperasi dalam bentuk penambahbaikan infrastruktur bagi menjalankan perniagaan seperti bantuan pembelian peralatan, mesin dan kelengkapan untuk perniagaan koperasi; dan
- iv) Program padanan perniagaan serta khidmat nasihat kepada koperasi.

**Tuan Yang Di-Pertua,**

Koperasi-koperasi yang paling berdaya maju pada tahun 2016 terdiri daripada 100 koperasi terbaik yang dipilih setelah mengambil kira aspek-aspek pengurusan kewangan, kompetensi pengurusan,

pematuhan perundangan dan kelestarian perniagaan. Antara koperasi-koperasi yang tersenarai ialah:

- i) Bank Kerjasama Rakyat Malaysia Berhad
- ii) Koperasi Permodalan Felda Malaysia Berhad
- iii) Koperasi Angkatan Tentera Malaysia Berhad
- iv) Koperasi Peserta-Peserta Felcra Malaysia Berhad
- v) Koperasi NLFCS Berhad
- vi) Koperasi Kakitangan Petronas Berhad (KOPETRO)
- vii) Koperasi Co-opbank Persatuan Malaysia Berhad
- viii) Koperasi Wawasan Malaysia Berhad
- ix) Koperasi Polis Diraja Malaysia Berhad
- x) Angkatan Koperasi Kebangsaan Malaysia Berhad (ANGKASA)